



10443

青山集卷第七

當塗宋郭祥正功甫著

同里後學宋

吳越聖羅書
葛鏞以和
葛鏞以和

五言古詩

志士吟二首

羣材

一作士

欣向榮志士寂無託獨鳥千里飛天末孤雲

泊越女殊西子秦聲異別鶴守貞不辭貧怡怡內常樂

高歌憂金玉其聲震寥廓

歲華忽已晚志士將奈何摧車眷前修停澤無餘波知

命守窮賤脫屣南山阿出從麋鹿游坐與猿鳥歌采菊

青山集

卷七

復采薇聊以養天和

聞砧

天潢轉斜白庭菊汎團露紈扇辭玉織雲幄含幽素濕

螢遞疎牖寒蟬鳴外戶南隣發砧響涼夕敢虛度不作

舞衣裳爲君理繪素邊積多苦寒先秋寄征戍

秋扇

輕素裁團扇投君掌握中爲君却煩暑動搖挹涼風一

朝霜颺至羅幃衾被重辭君且屏跡棄置隨斷蓬物理

古如此用捨安可窮願君千萬壽執熱還相逢

賞蓮

濯濯水中華香艷勝蘋藻英英泥中根潔素常自保房
實又堪食無一不爲好乃知金仙經譬喻肆論討游宴
集賓僚賞詠固宜早一朝霜颺至莖葉變枯槁抑亦如
佳人妍媚忽衰老顧眄豈復憐棄置不足道幽懷向君
開芳樽爲傾倒木末誰能舉愁煙起孤島

將至金陵謁曾子開侍郎

秋空久不雨漠漠風卷沙胡爲起高興昨夜辭山家明
投金陵郭俯觀凌紫霞公解豫章榻我停銀漢槎一傾
別後言電電鳴交加借公口中春發我枝上花又如出
地雷空山走龍蛇公能結明主我亦思無邪但驚岐路
青山集 卷七 二

別進退各有涯浮生能幾時鬢髮忽已華會合豈易得
兵厨酒仍佳慎勿學謝安捫涕空感嗟

雙泉軒贈太平守梁正叔

開池得雙泉因泉構華屋池中種菱苕池上列花竹與
春薰新紅遇風搖淨綠輕鷗自飛舞纖鱗隨出縮操舟
往江海端憂龍蜃觸卷衣入山林而防虎狼欲豈如一
凭欄俯仰快心目朝吟吟有餘暮醉醉不足雙泉長涓
涓比公享天祿公歸民懷公聽我雙泉曲

徐子夷揚君倚李元翰小酌言舊

南方多苦熱北地尤苦寒徐子掾招宜七載濱夷蠻楊

李仕并代霏裘雪殘一朝相續歸相看涕洟瀾捫涕
喚家僮草草羅杯盤念昔共庠序垂髫競癡頑及今過
六十各各嗟衰顏光陰信如馳生死無百年妻兒半凋
喪少喜多憂歎吾方慕陶潛行歌眷南山山氣日夕佳
吾廬不嘗關猿鳥相與居絲桐時一彈三子方急祿遑
遑未能閑努力佐州縣須防官長難暫當陪我醉餘事
不足言

寄題九江陶子駿佚老堂

未老已先佚搆堂名佚老與其寵辱驚何似歸來早淵
明乃吾祖此道能自保歸來無一事時時爲酒惱紙帳
春風融不寐聽春鳥闌關枝上語報我竹間曉我醉未
能起爾音一何好却笑世間人忘憂種萱草

復雪

連朝雪復雪吾獨擁紅爐樽中亦有酒不爲飢寒驅目
前奚所憂所憂在村墟去年旱兼水二稅多逃逋十家
九乏食往往死路衢空山嗥虎豹深淵臥龍魚飛鳥各
歛翼康莊斷行車倚門獨悲歌陽氣何時舒

將至壽陽謁朱行中龍圖作

魏臺公送我春風花落盡壽陽我訪公蕭蕭朔風緊且
復念殘年鬢髮安得鬢高才久外補惠愛益不泯聊歌

古柏行歌罷仰天晒長淮白魚肥冰壺酒堪引

暮春之月謁廬守陳元興待制作

百年憫秋霜念念流運歇一昨辭周行于今鬢垂雪幽
獨誰爲扶寸心徒自折翻然架柴車賓闕重欸謁與公
論襟期及此陽春月英英欄中花滋露正妍發濁濁瓮
中醪浮醅想芬列朝廷用直道郡邑罕所闕媿媿我之
友皎若環與玦良辰不同樂哀暮空惜別

廬陵樂府十首

妾擡纖纖手一拂白玉琴琴聲寫三疊寄妾萬里心朱

絃斷可續妾心常不足纔驚楓葉丹又見楊枝綠望君

青山集

卷七

四

君未到妾貌寧長好雲鬢懶重梳從教似秋草

鴻雁殊未來思君一彈琴泠泠別鶴語折盡幽蘭心蛛

絲漫相續難繫驂驢足白日無時停雲鬢寧長綠年華

要不老不若丹青好對之雖無言猶勝種萱草

與子初執手効彼瑟與琴子去既不返誰復知我心寶

刀能切玉願斷金烏足畱住枝上春花紅葉長綠懊惱

復懊惱憔悴變妍好不見庭中蘭埋沒隨百草

妾身厭塵埃專心托君子感君一而眇涸轍逢秋水雍

容未經年結誓同生死胡爲忽言別短書無一紙愁思

魂夢飛鵲語不成喜歲晚君不來紅粧爲君洗

嵯峨姑射山綽約飛行子絳唇啟皓玉明眸漾寒水方
平與麻姑相期永不死手披黃庭經金字寫青紙翻爲
謫人間離合溢悲喜天桃凝露珠東風任吹洗

庭下幽蘭暮寒霧金鴨冷煙無一縷從君別妾駕紅鸞
望斷三山無覓處平時曲調休重舉長袖空垂不成舞
醒眼牽愁送春去獨立殘陽與誰語

莫羨玉山禾乃是鳳凰食鳳凰殊未來禾生亦何益幽
香眷春盡孤根合露寂委棄同蒿萊咄嗟人莫識

自君之往矣幽房守歲華眉頭勻翠淡裙帶縷金斜魂
魄空成夢音書不到家憑誰度庾嶺和淚寄梅花

青山集

卷七

五

粉黛元知假丹書豈是真桃花初過雨溪水暗流春眼
眼隨雲斷書書托雁頻漁郎自迷路枉殺武陵人

不作巫山雨螺川久住家欲知冰未釋須信玉無瑕對
局拈碁子閑窻摘杏花誰能諳此意紅日又西斜

妾薄命

雌鳳始營巢天桃半數萼憶昔嫁君時相逢一何樂朱
顏妾未變白眼君先惡君恩不下濟妾意正難託空床
春寂寥孤燈夜蕭索哀絃時一彈彈終淚還落

怨別二首

渡江君別妾恨不如桃葉桃葉解隨君渡江不用楫妾

既不得隨渡江楫如飛自憐妾命薄江頭遠獨歸一步
一回首碧雲凝落暉空將盈掬淚和粉洒羅衣

古詩云
桃葉復

桃葉渡江
不用楫

團扇不遮面欲君永相見胡爲忽別妾船逐南風便君
行妾獨處妾復誰爲主正似晚春花零落隨風雨有情
頻寄書莫令書更疎却羨路旁草到處逢君車

古詩云
團扇復

團扇團扇遮人面相見
不相親不如不相見

代古相思

妾面如花開妾心似蘭死花開色易衰蘭死香不已願
持枯蘭心終焉託君子君行胡不歸兩見秋風起鴻雁
青山集

卷七

六

只空來音書無一紙夜夜夢見君朝朝懶梳洗不憶霜
月前絲桐爲君理千古萬古悲悠揚逐流水

追和李白姑孰十詠

姑孰溪

源從丹湖來奔流朝北極雙橋跨長虹千艘濟民食日
華動清曉岸柳搖行色文王未出獵垂竿人莫識

丹陽湖

湖光際長天永日微風止菱歌一舟去雪陣羣鷗起荷
香迷近遠秋色瑩表裏試問賀季真何如鏡湖水

謝公宅

山脈存廢址昔是元暉宅林藏幽鳥聲月弄野棠白高
賢百年盡遺事千古積此興欲誰論摩挲問磐石

陵敲臺

高臺築千尋勝景供遠目雲煙護城郭吳楚接川陸不
知歌舞散雌鳳叫空竹鬼火照殘碑應有精靈讀

桓公井

環營鑿九井井深泉不竭舊筴缺瓊瑤新苔荒歲月重
吟太白題興自桓公發我欲喚嫦娥團圓伴澄澈

慈姥竹

一種碧琅玕攢根繞鷺島濃陰不透日密幄得春早筍

青山集

卷七

七

隨緱氏仙鈞入磻溪好欲識化龍蛇唯應雪霜保

望夫山

登高望天涯化石與君別秋鬢霜露深春衫薜蘿發旅
雁只空飛悲咽長不絕行客歸去來芳心可休歇

牛渚磯

長江瀉危磯雷怒安可向煙雲忽藏月鯨鯢互噴浪朱
衣叱犀火丹青豈能狀引盃聊醉吟徑臥巨鼇上

靈墟山

仙人赴金闕靈墟躡高路空見白雲飛想乘黃鶴去月
冷步虛壇苔深煉丹處塵寰欲何爲光陰等閑度

天門山

巨靈擘蒼山勢分金闕對月引曉嵐交江翻寒影碎雙
鳧落人間千帆出天外我欲往高吟凌虛踏煙靄

追和李白秋浦歌十七首

碧水碧如靛染成秋浦愁長橋通驛道危堞起朱樓蕩
槩誰家女菱歌自風流江心雪浪湧知解渡江不却羨
雲中雁低飛過北洲

此夕宿秋浦蕭蕭古岸頭白雲和月散江水晴空流不
及水中鳥隨波上下游客情須自遣知命適虛舟

水晚舟楫止山寒猿狖稀雖憐秋浦好未敢濯征衣

青山集

卷七

八

霜落荻洲晚水殘魚市哀唯逢採荷女素手理輕絲
莫聽猿夜啼莫看蘆花雪倦客多少愁離家八九月
水有錦駝鳥山多杜宇花扁舟投夜泊來自長風沙
秋水適瀾漫寧分馬與牛酒樓翻擅價不當白狐裘
秋浦試北望參天九峯奇綠何謫仙客名作碧蓮枝
萬丈水車嶺還如九疊屏北風來不斷六月亦生冰
捨檝乘籃輿十里穿松林悲風西北至千山龍鳳吟使
君如杜牧方有愛山心

齊山一百洞咫尺接危梁兩過頻登望逼人松檜香
清溪十里岸蘆花八月天不惜錦袍濕應須擢釣船

秋浦勝姑孰白鷗無數飛謫仙如得句須換一雙歸
老謝奪秋景橫卷披雲煙寓目不知遠何須家鞦韆
鏡潭弄秋月始知秋興長金龜能換酒客鬢不嫌霜
半空紫微亭翫月動經宿更待雨中來林林看銀竹
秋浦一何好名因太白聞溪山圍市井鼓角下煙雲

舟次新林先寄府尹安中尙書用李白寄楊

江寧韻二首

金陵龍虎國況與王謝期掛帆須一往願借天風吹昔
解徐孺榻別來勞夢思鍾峯當北戶浮玉出東池柳青
白下門鷺棲瓊樹枝但對樽中物何嗟鏡裏絲如聞紫

青山集

卷七

九

泥詔起公翊明時需爲天下霖一洗旱暵悲請歌甘棠
歌翻作新林詩

休居尙蒙祿願赴興龍期況此孱病姿感公久噓吹相
望止百里株坐徒傾思呼僮刷鶴羽駕言別清池往將
投新林新林有高枝仰聽鸞鳳音軋軋如抽絲窮陰欲
雪天燕雀無聲時接物生妙理運心廣真悲如何持一
盃要我百篇詩

舟次白鷺洲再寄安中尙書用李白寄楊江

寧韻二首

白鷺飛還集新沙沒故洲山形龍晦角江氣蜃爲樓欲

問前朝事空懷去國憂鐘聲萬家曉霜葉半城秋化值
唐虞盛人逢王謝流徐生思解榻兵醜可銷愁

終朝蕩雙漿夜泊碧蘆洲重城已在望聞公宴層樓華

燈燦繁星浩歌正忘憂賓朋集珠履佳節臨千秋

謂近興龍

節願言刷微羽一飲清泠流舉目送高鳳蕭韶洗民愁

奉同安中尚書用李白畱別王嵩韻送毛王

仲大夫移浙漕

春岸草回綠春江日浮金蘭舟忽言發芥蒂悲我心藹
藹松栢友雍雍鸞鳳吟願同三歲遙母使離別侵奈何
千丈材亭亭不依林眷爲九重知移節宣德音遂令帝

青山集

卷七

十

王澤深于太湖深豈同失羣鶴飲啄憐空岑誰將勞勞
歌一瀉無絃琴

將游宣城先寄賈太守待御用李白寄崔侍

御韻

峩峩敬亭山元暉有佳作賈公乃後身風流今與昨豈
冠觸姦邪分符宛陵郭江湖暫徘徊煙霄必騰躍予方
臥閑雲時或乘皓鶴水縮龍屋歸霜清天宇廓安能坐
隴畝妻妻眷蒸藿陳蕃有虛榻黃埃侵斷索能如汲黯
直定許季生諾往哉不可失行聞還鳳閣

追和李白宣州清溪

清溪安在哉欲弄清溪水更邀琴高生攜竿會於此日
落翠屏間鷄鳴桃花裏不見避秦人誰嗟遠游子

留別陳元輿待制用李白贈友人韻

沉吟澗底松不及堯階草不經君王顧枉被風霜老弱
羽戀一枝敢思浴天池聞君有餘力何惜一噓吹青雲
與黃壤迴首隔追隨

留別宣守賈侍御用李白贈趙悅韻

賈誼幾世孫閑邪誠所存一登御史府直氣壯中原五
載三去國士論皆騰喧浩養固無害宣城况名藩下車
究積弊摘節仍除根乃遷孔子學方庭樹蘭蓀講解得

青山集

卷七

七

董生思覃先聖恩軒軒慕高第各各不窺園修橋濟行
躑掩骼招旅魂蕭蕭囹圄空清風時掃門尋山出近郭
玉船紅浪翻誰爲坐上客能酬謝公言自愧翹翎短謬
參鴻與鶴不有瓦礫賤那知圭璧尊矧日半面雅歲久
情愈敦三章寵新作詞源何駿奔幾欲效長吉微吟謝
高軒霜威信凜冽卽之自溫溫又如太古鏡磨開蒼蘚
昏肝膽悉照徹魑魅安敢論行聞紫泥詔沙路馳歸轅
豈容隱巖子畱連愛石盆看君揚天翼北溟終化鷗而
我隨白鳥丹湖往孤鶩

追和李白郎官湖寄漢陽太守劉宜父

遷客昔登覽愁煙頹四隅身趨夜郎道心戀咸陽都此
景古來好此人今則無空餘秋夜月素影湛平湖便欲
凌風去酣歌與君俱

題化城寺新公清風亭用李白元韻

唐時升老亭剪棘今重開南瞻峩峩峒闕北峙凌歊臺新
公將家子爲僧亦多才譬彼獨鶴吸安用羣雞猜或彈
玉軫琴傾耳濯纖埃清風不知處凜冽時時來吹雲雲
窈窕吹月月徘徊幽人許共賞渴心咀珍梅了然得真
味塵魔自崩摧令姪人豪俊書名駭奔雷其姪冲推善
草書名雲天
下禪談屢終夕茗酌無餘盃還歌太白篇事往良可哀

青山集 卷七

古今儻同轍浩氣不寒灰

太守陳侯見要登黃山送馬東玉遂用李白

登黃山送族弟濟赴華陰韻呈陳侯并送東

玉

潁川賢大夫虛懷蘊虹霓雖分銅虎符合在帝苑棲邀
我登黃山攀雲絕長梯霜林正搖落寒鳥鳴慘淒金牛
飲空渚天鏡開峩峩塵埋宋武妓薛剝開元碑謫仙送
客處魂斷白日低松梢想獨鶴軒昂遊羣雞還思北溟
釣赤脚蹋鯢鮓時窮壯士恥思遠騷人悲且舉一盃酒
肯分雲與泥坐有北歸客張帆震雷輦往獻白玉璞不

隣紅粉啼薦草已交達高名動朝聞君相必見收煙雪
速橫飛盃停可以起看君開羽儀

盛仲舉秀才歸自九華極談勝賞亟取李白
九華聯句元韻作二首誌之

客從青陽歸爲我談九華雪渾昨夜宿衣上有殘霞鳴
溜隔深木白鵬栖翠崖南游豈是遠乘興必攜家
昔號九仙子今名九蓮華差差浮碧海葉葉散晴霞積
靄迷金寺飛流賤雪崖開簾陪岸幘須覓夏侯家

庭竹

眷此庭中竹羅生廣十尋疎疎挺高節密密敷清陰好
風每相過流塵詎能侵其下無蔓草其傍遠修林結根
自得所非高亦非深誰復采笙簫玉宇思和音

青山集

卷七

十三

青山集卷

當塗宋郭祥正功甫著

同里後學

吳立堅確山
宋 鉞西橋校刊
葛 鏞以和

長句古詩

送朱王二秀才歸江西

冰霜凍海海水黑雲霧崩騰大空塞飢猿哀啼虎嘯嘯
高鴻折翅鷹斂翮苦寒大苦吾正愁二子胡爲千里客
自言失意西南歸十斛明珠已空擲廬山摩天瀑布雄
請把肝腸洗愁寂

送沈司理赴闕改官

青山集

卷八

捕寇治獄皆有聞才力縱橫真出羣薦書交上三歲滿
玉陛引對瞻吾君胸中策畫爛星斗筆寫紙上虬龍奔
完創補弊有捷理此時歧路拏青雲霄問誰作霖雨
願洗邊城血中土和氣油然熟禾黍天下蒸黎免窮苦
男兒事業當致主我獨沉溝亦無語離亭愁懷安可數
春風自在花飛舞船尾插旗轟畫鼓摻袂青山遮別浦

送方奉議倅保德

彥德

太行積雪三千尺渾河連天厚冰塞天台詞人不畏寒
攜家直赴并州北越羅蜀錦置筐箱狼帽氈裘付妻息
邊城雖道無戰塵塞草從來少春色馬上題詩泣鬼神

何時歸奏平戎策我欲爲書叩相閣喚取斯人侍君側
送王主簿棄官歸建昌

老着青衫羞望舶自笑風船禁不得拂衣高詠歸去來
我有麻源三畝宅朝食太陽茹紫芝時時更作方平客
肯嗟垂橐少黃金兒孫只用傳清白

送陳大夫罷太平守還臺

去年秋暮送東玉今歲春殘送予儀人生不老安可得
况復年年傷別離請說滄江初識面已知磊落胸中奇
桐鄉之會愈相樂是時解印予言歸公乘扁舟過溪口
殷勤訪我論新詩君章下車始命客邀公與我同遨嬉

青山集

卷八

二

開懷醉倒信莫逆十年一夢音塵稀忽聞公來守吾土
餘生幸獲仁賢依政成無擾威惠浹白駒馳隙臨瓜期
梨花奪月爛銀白膾盤纏玉江魚肥酒傾碧盞盞嘗滿
曲度晴雲雲不飛車輪未許生四角且願逆風東北吹
留連更盡一壺酒無使醒淚沾行衣十科應詔公第一
出入省寺非公誰欲陪後會定何許咄嗟自此分雲泥

峨嵋亭卽席再送

是歲二月上有賞花釣魚之宴

長江奔來一山裂兩岸崔嵬聳雙闕石人空老薜蘿衣
夜夜孤猿嘯寒月斯亭誰作名峨嵋顰翠含愁惜離別
浮生後會難再得况復相看頭雪白停盃執手聊逡巡

畫鼓銅鉦莫催客客行西望紫皇家紫皇真人駕龍車
海若驅鯨上金鈞玉女挾春粧寶花千官稱觴祝天壽
簫韶九成奉肴酒青霄濶步隨鸛鸞肯向江頭戀楊柳
楊柳花飛春日遲登幟帽兮送君歸

留別宣城李節推

獻父

君作宣城幕下吏我嘗築室青山址三四相逢五六年
交情淡若秋江水水流到海無窮時吾輩論交無衰期
明主可結亦未晚謝安四十功非遲低頭感事復太息
汲汲功名亦何益君不見屈原言直沉湘水韓信功高
亦誅死窮達無過四十年事業空存一張紙不如飲酒
青山集

卷八

三

臨春風溪水綠淨山花紅金絲玉管亂兩耳一醉三百
琉璃鍾醉來辭君登海槎四方上下皆吾家

投別發運張職方

仲舉

蕭蕭乾葉欲辭柯曉來更奈嚴霜何明知飄泊不得已
請君試聽離人歌生平學盡經濟策宗工大匠親琢磨
三入長安獻不售困憊望西江波感君聊借一盃水
六月炎蒸免枯死高議難辯爲我傾古恨今憂對君洗
賣薪歸家妻子羞惟陰膾下未封侯故人騎龍不相助
子陵自欲追巢由拔山力盡其可傷江湖安得重相忘
恩仇必報乃壯士如今孰是韓張良玉手織織把金盞

更聽新聲碎瑤板醉鄉酩酊萬事休功名難成歲華賸
噫吁嚱秋風已老白雲飛鄉關咫尺未能歸倚瑟而歌
悲帝子南山遙望淚沾衣願君聞此頗矜惻許借長帆
還澤國他日堯階薦姓名投老猶能奉鞭策

酬吳著作

子正

醉乘黃犢窮山河倏然遂向桃源過桃源盡處見城郭
萬家訢訢聞絃歌主人妻掃溪上榻笑我鬢髮塵埃多
旋呼瓊液注玉斝麟孫出拜能吟哦使令勸我須醉倒
不知與世爲誰何醒來忽別未十月敢期佳句傳靈波
千年不落一字俗凜凜秋風吹太阿大才小用小有補

青山集

卷八

四

牛羊茁壯餘無他何時赴詔玉京去萬物待子能調和
康王洞呈同游訥禪師

康王洞口無塵埃青山嶄巖水迢迢飛橋百尺渡天險
下聽谷響如奔雷覓欄要識物外物沈寥寥兮何有哉
但見東阜聳樓閣碧瓦鱗鱗何崔嵬虹電披猖雨新歇
金雲點綴芙蓉開斜陽疎光照不入異景萬變誰能裁
仙家遺策已可愛是時况與禪宗來瞳人照耀骨森竦
皎如皓月凌寒梅險句卷起谷簾水真珠萬斛收蒼崖
猿不能啼鳥無語巨石枯木爲之摧達卽善用卽卽妙
斯游何異登蓬萊回頭碌碌利名士日蠹日朽令人哀

酬李推官淮上見寄

霜寒水落平沙露短艇悠悠尋泊處驚弦旅鴈失羣飛
貪餌修鱗隨網去世情翻覆可沾巾三千食客背田文
不須更待年華老便向東山臥白雲

南雄除夜讀老杜集至歲云暮矣多北風之
句感時撫事命題爲篇

歲云暮矣多北風怒嗥萬里吹驚鴻只今我亦在行旅
陟彼庾嶺臨蒼穹霜寒不復瘴霧黑酒賤頗得樽罍紅
鼓角看看變新律燭淚璀璨隨殘冬一階寄祿百無補
白髮又送年華終鬼章雖獲萬國賀防邊未可旌旗空

青山集

卷八

五

中原將帥誰第一願如衛霍皆成功廟堂赫赫用耆舊
孰講仁義安羗戎我甘海隅食蚌蛤飽矦兩邑調相庸
嗚呼不獨夔子之國杜陵翁牙齒半落左耳聾

廣州越王臺呈蔣帥待制

番禺城北越王臺登臨下瞰何壯哉三城連環鐵爲瓮
睥睨百世無傾摧蕃坊翠塔卓椽筆欲蘸河漢濡煙煤
滄溟忽見颶風作雪山崩倒隨驚雷有時一碧滄萬里
洗濯日月光明開屯門鉦鐃雜大鼓船舶接尾天南回
斛量珠璣若市米擔束犀象如肩柴越王胡爲易馴服
陸生辯與秦儀偕當時貢物競何有漢家宮殿今蒿萊

邦人每逢二月二熙熙載酒傾城來
元 必廣宴命賓客
卽時海若收風霾羣心愈喜召和氣百伎盡入呈優俳
樂聲珊珊送妙舞春三益益浮樽曩鬼奴金盤獻羊胛
薔薇餅水傾諸懷嗟余老鈍已茅塞坐視珠履漸追陪
青蠅何知附驥尾伯樂底事矜駑駘番禺雖盛公豈愛
亭亭自是巖廊材千年故事寫長句指畫造化回枯夢
昌黎氣焰遂低縮瓦礫未足當瓊瑰仙公勸公莫妄想
元鼎久待調鹽梅

蒲澗奉呈蔣帥待制

菖蒲澗底生九節流水遂作菖蒲香安期服之已仙去

青山集

卷八

六

漫脫雙舄畱秦皇秦皇殺伐自無度年齡社稷何由長
蓬萊畢竟不可見十祠千載聊相望散髮追之又無迹
後來詭譎傳崔郎至今正月二十五城北夾道珠簾張
元戎要賓鎚大鼓老蠻獻饌燒肥羊傾城盡作蒲澗飲
美俗眷戀神仙鄉穿雲絲竹度別浦遠山金翠明殘陽
我乘欵段到已晚越臺僅得參壺觴公攜大句使我讀
水澌憂齒清琅琅張侯繼作亦精敏蘭茝相倚傳芬芳
却尋陳事考僭迹死佗稱帝銀稱王基山控海恃遠險
大明一出旋消亡豈如戴主効臣節白骨雖朽忠名彰
只今神孫太母聖天下擊壤歌時康佳期不邀墓中魘

樂民之樂真循良勒詞蒼崖告萬古蒲澗之會無滯荒

石屏臺致酒呈蔣帥待制

石屏臺下玉池水遶岸石屏青齒齒鑿剗初自人力成
一石十牛車不起輦置應須費萬金園囿森羅供宴喜
蒼蘚昏埋歲月遠修藤纏絡根相倚劉鋹族氏已無餘
此物猶存舊基址曾經戰鼓轟雷霆屢對春風閱羅綺
老榕交蔭不透日容秧生寒冰雪洗小橋斷處樓梯連
一綫崎嶇劣容跬未知深窟藏龍蛇但見枯荷閣蠅蟻
摩挲題字考前人名姓班班少奇偉請公椽筆賦大篇
歌頌永平詠僭擬光焰頌令萬丈長一時行樂何足紀

青山集

卷八

七

朝漢臺寄呈蔣帥待制

鹿入望夷秦欲滅真劍先流白蛇血尉佗椎髻爾何爲
漫占海隅蛟蜃穴祝融之符天下歸豈假陸生三寸舌
千金裝策未爲多更上高臺拜堯闕至今人說朝漢臺
不知此地藏蒿萊使君好事一登賞譬若古鑑初磨開
香爐煙生石門曉三山翠擁浮邱來風松自作笙簫響
暮霞却捲旌旗回長空無礙鳥無跡人事寧須問今昔
瓊漿且泛琉璃船滿眼夕陽留不得登臺何似登金門
爛吐文章侍君側願公歸作老姚崇次學江東窮李白

